



翰林香奩集



翰林集



翰林承旨行戶部侍郎知制誥萬季韓偓致堯

雨後月中玉堂閑坐

銀臺直北金鑾外暑雨初晴皓月中唯對松篁聽刻漏更無塵土
翳虛空綠香熨齒冰盤果清冷侵肌水殿風夜久忽聞鈴索動玉
堂西畔響丁東禁署嚴密非本院人雖有公事不敢遽入至于內
夫人宣事亦先引鈴每有文書即內臣立于門外
鈴聲動本院小判官出受
受訖授院使院使授學士

六月十七日召對自辰及申方歸本院

清暑簾間散異香恩深咫尺對龍章花應洞裡嘗時發日向壺中
特地長坐久忽疑一作驚查犯斗歸來兼恐海生桑如今冷笑東方
朔惟用談諧侍漢皇

與吳子華侍郎同年玉堂同直懷思叙懇因成長句四韻

兼呈諸同年

往年鶯谷接清塵今日鼇山作侍臣二紀計借勞筆硯余與子華俱久困名
塲一朝宣入掌絲綸聲名烜赫文章士金紫雍容富貴身絳帳恩
深無報路語餘相顧却酸辛

和吳子華侍郎令狐昭化舍人歎白菊衰謝之絕次用本
韻

正憐香雪披千片忽訝殘霞覆一叢此花將謝却有紅色還似妖姬長年後
酒酣雙臉却微紅

中秋禁直

星斗踈明禁漏殘紫泥封後獨憑欄露和玉屑金盤冷月射珠光
貝闕寒天襯樓臺籠苑外風吹歌管下雲端長卿祗為長門賦未
識君臣際會難

錫宴日作是歲大稔內出金幣賜百官充觀稼宴學士院

於興化亭

玉銜花馬踏香街詔遣追懽綺席開中使押從天上去是日在外

門齊入同進狀辭赴宴所奉外人知自日邊來臣心淨比漪漣水

宣差學士院使二人押去

聖澤深於漱灑盃纔有異恩頒稷契已將優禮及鄒枚清商適向

梨園降妙妓新行峽雨迴不敢通宵離禁直晚乘殘醉入銀臺當

學士二人至晚學士院使二人却押入直餘四人在外可以

侍宴

蜂黃蝶粉兩依依狎宴臨春日正遲密旨不教江令醉麗華微笑
認皇慈

宮柳

莫道秋來芳意違宮娃猶似妬娥眉幸當玉輦經過處不怕金風
浩蕩時草色長承垂地葉日華先動映樓枝澗松亦有凌雲分爭
似移根太液池

苑中

上苑離宮處處迷相風高與露盤齊金堦鑄出狻猊立玉柱雕成
佛林啼外使調鷹初得按習五方外按使以鷹隼初調中官過馬不
教嘶過上每乘馬必關官馭以進謂之笙歌錦繡雲霄裏獨許詞臣
醉似泥過馬既乘之而後蹀躞嘶鳴

辛酉歲冬十一月隨駕幸岐下作

曳裾談笑殿西頭忽聽征鏡從冕旒鳳蓋行時移紫氣鸞旗駐處
認皇州曉題御服頒羣吏夜發宮嬪詔列侯雨露涵濡三百載不
知誰擬殺身酬

從獵三首

獵犬諳斜路宮嬪識認旗馬前雙兔起宣示羽林兒
小鎧狹鞦韆鞍輕妓細腰有時齊走馬也學唱交交
蹀躞巴駞駿韜總碧野鷄忽聞仙樂動賜酒玉偏提

冬至夜作

天復二年壬戌
隨駕在鳳翔府

中宵忽見動葭灰料得南枝有早梅四野便應枯草綠九重先覺
凍雲開陰冰莫向河源塞陽氣今從地底迴不道慘舒無定分却
憂蚊響又成雷

秋霖夜憶家

隨駕在
鳳翔府

垂老何時見弟兄背燈愁泣到天明不知短髮能多少一滴秋霖
白一莖

恩賜櫻桃分寄朝士在岐下

未許鶯偷出漢宮上林初進半金籠薦翫自透銀盃冷朱實相輝
玉椀紅俱有亂離終日恨貴將滋味片時同霜威食藥應難近宜
在紗窓繡戶中

出官經硤石縣

天復三年二月二十二日

謫宦過東畿所抵州名濮故里欲清明臨風堪慟哭溪長柳似帷
山暖花如醜逆旅訝簪裙南路以火無儒服野老悲陵谷暝鳥影
連翩驚狐尾纛軟尚得佐方州信是皇恩沐

訪同年虞部李郎中

天復四年二月在湖南

策蹇相尋犯雪泥厨烟未動日平西門庭野水灘褫驚鄰里短牆
咿喔鷄未入慶霄君擇肉畏逢華轂我吹麈地爐貫酒成狂醉更
覺襟懷得喪齊

贈漁者在湖南

箇儂居處近誅茅枳棘籬兼用荻稍盡日風扉從自掩無人筒釣
是誰拋城方四面牆陰直江閣中心水脉均我亦好閑求老伴莫
嫌遷客且論交

春陰獨酌寄同年虞部李郎中

在湖南

春陰漠漠土脉潤春寒微微風意和閑啜入甲奔競態醉唱落調
漁樵歌詩道揣量疑可進宦情利缺轉無多酒酣狂興依然在
其柰千莖鬢雪何

奉和峽州孫舍人肇荆南重園中寄諸朝士二篇時李常
侍洵嚴諫議龜李起居殷衡李郎中冉皆有繼和余又有
是債今至湖南方暇牽課

敏手何妨誤汰金敢懷私忿斲羊斟直應宣室還三接未必豐城
便陸沉熾炭一爐真玉性濃霜千澗老松心私恩尚有捐軀誓况

是君恩萬倍深
征途安敢更遷延
冒入重圍勢使然
衆果却應存苦李
五瓶唯恐竭甘泉
多端莫撼三珠樹
密策尋遺七寶鞭
黃篋舫中梅雨裏
野人無事日高眠

雪中過重湖信筆偶題

道方時險擬如何
謫去甘心隱薜蘿
青草湖將天暗合
白頭浪與雪相和
旗亭臘耐踰年熟
水國春寒向晚多
處困不忙仍不怨
醉來唯是欲嗒嗒

寄湖南從事

索寞襟懷酒半醒
無人一爲解餘醒
岸頭柳色春將盡
船背雨聲天欲明
去國正悲同旅雁
隔江何忍更啼鶯
蓮花幕下風流客
試與溫存謹逐情

翫水禽

在湖南醴陵縣

兩兩珍禽渺渺溪
翠襟紅掌淨無泥
向陽眠處莎成毯
踏水飛時浪作梯
依倚雕梁輕社燕
抑揚金距笑晨鷄
勸君細認漁翁意
莫遣緇羅誤穩棲

早翫雪梅有懷親屬

北陸候纔變南枝花
已開無人同悵望
把酒獨徘徊凍白雪
爲伴寒香風是媒
何因逢越使腸斷謫仙材

欲明在醴陵

欲明籬被風吹倒
過午門因客到
開忍苦可能遭
鬼笑息機應免致
鷗猜岳僧互乞
新詩去酒保頻徵
舊債來唯有狂吟
與沉飲時猶自觸
靈臺

梅花

梅花不肯傍春光自向深冬有艷陽龍笛遠吹胡地月燕釵初試
漢宮粧風雖強暴翻添思雪欲侵凌更助香應笑暫時桃李樹盜
天和氣作年芳

小隱

借得茅齋岳麓西擬將身世老鋤犂清晨向市烟含郭寒夜歸村
月照溪爐爲窻明僧偶坐松因雪折鳥驚啼靈椿朝菌由來事却
笑莊生始欲齊

曛黑

古木侵天日已沉露華涼冷潤衣襟江城曛黑人行絕唯有啼鳥
伴夜碁

曉日

天際霞光入水中水中天際一時紅直從日觀三更後日觀峰半夜見日

首送金烏上碧空

醉著

萬里清江萬里天一村桑柘一村烟漁翁醉著無人喚過午醒來
雪滿船

柳

一籠金線拂彎橋幾被兒童損細腰無柰靈和標格在春來依舊
裏長條

病中初聞復官二首

抽毫連夜侍明光執勒三年從省方燒玉謾勞曾歷試鑠金寧爲
欠周防也知恩澤招讒口還痛神祇誤直腸聞道復官翻涕泗屬
車何在水茫茫
又掛朝衣一自驚始知天意重推誠青雲有路通還去白髮無私

徒亦生曾避暖池將浴鳳却同寒谷乍遷鶯宦途巖嶮終難測穩泊漁舟隱姓名

早起五言三韻

萬樹綠楊垂千般黃鳥語庭花風雨餘岑寂如村塢依依官渡頭晴陽照行旅

家書後批二十八字

在醴陵時聞家在登州

四序風光總是愁鬢毛衰颯涕橫流此書未到心先到想在孤城海岸頭

湖南梅花一冬再發偶題於花榭

湘浦梅花兩度開直應天意別栽培玉為通體依稀見香號返魂容易迴寒氣與君霜裏退陽和為爾臘前來妖桃莫倚東風勢調鼎何曾用不材

即日

萬古離懷憎物色幾生愁緒溺風光廢城沃土肥春草野度空船蕩夕陽倚道向人多脉脉為情因酒易張張官途棄擲須甘分迴避紅塵是所長

淨興寺杜鵑一株繁艷無比

一園紅艷醉陂陀自地連稍簇舊羅蜀魄未歸長滴血祗應偏滴此叢多

花時與錢尊師同醉因成二十字

橋下淺深水竹間紅白花酒仙同避世何用厭長沙

避地

西山爽氣生襟袖南浦離愁入夢魂人泊孤舟青草岬鳥鳴高樹夕陽村偷生亦似符天意未死深疑負國恩白面覓郎猶巧宦不

知誰與正乾坤

息兵

漸覺人心望息兵老儒希覲見澄清
正當困辱殊輕死已過艱危
却戀生多難始應彰勁節至公安
肯為虛名暫時胯下何須耻
自有蒼蒼鑒赤誠

翠碧鳥以上並在醴陵作

天長水遠網羅稀保得重重翠碧
依挾彈小兒多害物勸君莫近
市朝飛

贈孫仁本尊師在袁州

齒如冰雪髮如鬣幾百年來醉似泥
不共世人爭得失卧床前有
上天梯

乙丑歲九月在蕭灘鎮駐泊兩月忽得商馬楊迢員外書

賀余復除戎曹依舊承旨還緘後因批四十字

旅遇在江郊秋風正寂寥紫泥虛寵獎白髮已漁樵
事往悽涼在時危志氣銷若為將朽質猶擬杖於朝

丙寅二月二十二日撫州如歸館雨中有懷諸朝客

悽悽惻惻又微嘔欲話羈愁憶故人薄酒旋醒寒徹夜
好花虛謝雨藏春萍蓬已恨為通客江嶺那知見侍臣
未必交情繫貧富柴門自古少車塵

三月二十七日自撫州往南城縣舟行見拂水薔薇因有
是作

江中春雨波浪肥石上野花枝葉瘦
枝低波高如有情浪去枝留
如力鬪綠刺紅房戰裏時吳娃越艷醺酣後且將濁酒伴清吟
酒逸吟狂輕宇宙

荔枝三首

丙寅年秋到福州自此後並福州作

遐方不許貢珍奇，密詔唯教進荔枝。
漢武碧桃爭比得，枉令方朔號偷兒。

封開玉籠鷄冠澁，葉襯金盤鶴頂鮮。
想得佳人微啟齒，翠釵先取一雙懸。

巧裁霞片裹神漿，崖蜜天然有異香。
應是仙人金掌露，結成冰入舊羅囊。

寄上兄長

兩地支離路八千，襟懷悽愴鬢蒼然。
亂來未必長團會，其柰而今更長年。

寶劍

困極還應有甚通，難將糞壤掩神蹤。
斗間紫氣分明後，孽地成川

看化龍

登南神光寺塔院

無奈離腸日九迴，強攄離抱立高臺。
中華地向城邊盡，外國雲從島上來。
四序有花長見雨，一冬無雪却聞雷。
日宮紫氣生冠冕，試望扶桑病眼開。

兩賢

賣卜嚴將賣餅孫，兩賢高趣恐難倫。
而今若有逃名者，應被品流呼差人。

再思

暴殄猶來是片時，無人向此略遲疑。
流金鑠石玉長潤，敗柳凋花松不知。
但保行藏天是證，莫矜纖巧鬼難欺。
近來更得窮經力，好事臨行亦再思。

有矚

晚涼閑步向江亭默默看書旋旋行風轉滯帆狂得勢潮來諸水
寂無聲誰將覆轍詢長策願把焚絲屬老成安石本懷經濟意何
妨一起為蒼生

秋深閑興

此心兼笑野雲忙甘得貧閑味甚長病起乍嘗新橘柚秋深初換
熟衣裳晴來喜鵲無窮語雨後寒花特地香把釣覆棊兼舉白不
離名教可顛狂

故都

故都遙想草萋萋上帝深疑亦自迷塞鴈已侵池籞宿宮鴉猶戀
女牆啼天涯烈士空垂涕地下強魂必噬臍掩鼻計成終不覺馮
驩無路數鳴鷄

夢仙

紫霄宮闕五雲芝九級壇前再拜時鶴舞鹿眠春草遠山高水闊
夕陽遲每嗟阮肇歸何速深羨張騫去不疑澡練純陽功力在此
心唯有玉皇知

贈吳顛尊師 丙寅年作

飲酒經何代休糧度此生跡應嘗自浼顛亦強為名道若干鈞重
身如羽翼輕毫釐分象緯袒跣揖公卿狗竇號光逸漁陽裸禰衡
笑雷冬蟄震巖電夜珠明月滑侵簪冷江光逼屐清半酣思救世
一手擬扶傾繫地嗟衰俗看天貯不平自緣懷氣義可是計烹亨
議論通三教年顏稱五更老狂人不厭密行鬼應驚未識心相許
開襟語便誠伊余常伏羲願拜十年凡

送人棄官入道

仙李濃陰潤皇枝密葉敷俊才輕折桂捷徑取紆朱斷紕三清路
揚鞭五達衢側身期破的縮手待呼盧社稷俄如綴雄豪詎守株
忸怩非壯志擺脫是良圖塵土留難住纓綉棄若無冥心歸大道
迴首笑吾徒酒律應難忘詩魔未肯徂他年如拔宅爲我指清都

感事三十四韻 丁卯巳後

紫殿承恩歲金鑾入直年人歸三島路日過八花塲鴛鴦皆迴席
臯夔亦慕羶慶霄舒羽翼塵世有神仙雖遇河清聖慙非岳降賢
皇慈容散拙公議逼陶甄江總參文會陳暄侍狎筵腐儒親帝座
太史認星躔側弁聆神筭濡毫俟密宣官司持玉硯書省擘香牋
宮司書省皆
宮人職名唯理心無黨憐才膝屢前焦勞皆實錄宵旰豈虛傳
始議新堯曆將期整舜絃上自出東內幽辱屬心庶政延接丞相
之暇日在直學士詢以理道將致昇平
去梯言必盡仄席意弥堅上相思懲惡中人詐省憊鹿窮唯舐觸

兔急且獯豕本是謀賒死因之致劫遷氛霾言下合日月暗中懸
恭顯誠甘罪韋平亦恃權畏聞巢幕險寧寤積薪燃諒直尋鉗口
奸纖益比肩晉讒終不解魯瘠意難痊祗擬誅黃皓何曾識霸先
嗾獒翻醜正養虎欲求全萬乘烟塵裏千官劔戟邊斗魁當北拆
地軸向西偏袁董非徒尔師昭豈偶然中原成劫火東海遂桑田
濺血慙稽紹遲行笑褚淵四夷同效順一命敢虛捐山岳還青聳
穹蒼舊碧鮮獨夫長喙泣多士已忘筌鬱鬱空狂叫微微幾病癩
丹梯倚寥廓終去問青天

向隅

守道得途遲中兼遇亂離剛腸成繞指玄髮轉垂絲客路少安處
病床無穩時弟兄消息絕獨斂向隅眉

社後

社後重陽近雲天淡薄間日隨棊客靜心共睡僧閑歸鳥城銜日
殘虹雨在山寂寥思晤語何夕款柴關

息慮

息慮狎羣鷗行藏合自由春寒宜酒病夜雨入鄉愁道向危時見
官因亂世休外人相待淺獨說濟川舟

早起探春

勾芒一夜長精神臘後風頭已見春烟柳半眠藏利臉雪梅含笑
綻香脣漸因閑暇思量酒必怨顛狂泥摸人若箇高情能似我且
應歌枕睡清晨

味道

如含瓦礫竟何功癡黠相兼似得中心繫是非徒悵望事須光景
旋虛空昇沉不定都如夢毀譽無恒却要聳弋者甚多應扼腕任

他閑處指冥鴻

裏娜

裏娜腰支淡薄粧六朝宮樣窄衣裳著詞暫見櫻桃破飛酸微聞
豆蔻香春惱情懷身覺瘦酒添顏色粉生光此心不敢分明道風
月應知暗斷腸

秋郊閑望有感

楓葉微紅近有霜碧雲秋色滿吳鄉魚衝駭浪雪鱗健鴉閃夕陽
金背光心為感知長慘感鬢緣經亂早蒼浪可憐廣武山前語楚
漢虛教作戰場

李太舍池上翫紅薇醉題

花低池小水泮泮花落池心片片輕醕酹不能羞白鬢顛狂猶自
睽紅英乍為旅客顏嘗厚每見同人眼暫明京洛林園歸未得天

涯相顧一含情

余寓汀沙州縣病中聞前鄭左丞璘隨外鎮舉薦赴洛兼
云繼有急徵旋見脂轄因作七言四韻戲以贈之或冀其
感悟也年已巳

莫恨當年入用遲通材何處不逢知桑田變後新舟擲華表歸來
舊路岐公幹寂寥甘坐廢子牟懽抃促行期移都已改侯王第惆
悵沙堤別築基

又一絕請為中達京洛親交知余病廢

鬢惹新霜耳舊聾眼昏腰曲四肢風交親若要知形候嵐嶂烟中
折臂翁

夢中作

紫宸初啟列鴛鸞直向龍墀對揖班九曜再新環北極萬方依舊

祝南山禮容肅睦纓綉外和氣熏蒸劔履間扇合却循黃道退廟
堂談笑百司閑

己巳年正月十二日自沙縣抵邵武軍將謀撫信之行到
纔一夕為閩相急脚相召卻請赴沙縣郊外泊船偶成一
篇

訪戴船迴郊外泊故鄉何處望天涯半明半暗山村日自落自開
江廟花數醖綠醅桑落酒一甌香沫火煎茶

建溪灘波心目驚眩余平生溺竒境今則畏怯不暇因書
二十八字

長貪山水羨漁樵自笑揚鞭趁早朝今日建溪驚恐後李將軍畫
也須燒

自沙縣抵尤溪縣值泉州軍過後村落皆空因有一絕此

後庚午年

水自潺湲日自斜
盡無鷄犬有鳴鴉
千村萬落如寒食
不見人烟空見花

此翁此後在桃林場

高閣羣公莫忌儂
儂心不在宦名中
嚴光一唾垂緜紫
何胤三遺大帶紅
金勁任從千口鑠
玉寒曾試幾爐烘
唯應鬼眼兼天眼
窺見行藏信此翁

多情

天遣多情不自持
多情兼與病相宜
蜂偷野蜜初嘗處
鶯惜含桃欲咽時
酒蕩襟懷微叵我
春牽情緒更融怡
水香剝貯金盃裏
瓊樹長須浸一枝

失鶴

正憐標格出華亭
况是昂藏入相經
碧落順風初得志
故巢因雨却聞腥
幾時翔集來華表
每日沉吟看畫屏
爲報鷄群虛嫉妬
紅塵向上有青冥

卜隱

屏跡還應減是非
却憂藍玉又光輝
桑梢出舍蠶初老
柳絮蓋溪魚正肥
世亂豈容長愜意
景清還覺易忘機
世間華美無心問
藜藿充腸苧作衣

晨興

曉景山河爽
閑居巷陌清
已能消滯念
兼得散餘醒
汲水人初起
迴燈燕暫驚
放懷殊未足
圓隙已塵生

暴雨

電尾燒黑雲
雨脚飛銀線
急點濺池心
微烟昏水面
氣涼氛祲消

暑退松篁健叢蓼亞頰茸擎荷翻綠扇夙期誰與同逸趣余探遍
欲去更遲留曾中火交戰

山院避暑

行樂江郊 追涼山寺中靜陰生晚綠寂慮延清風運塞地維窄
氣蘇天宇空何人識幽抱目送冥冥鴻

閑興

景寂有玄味韻高無俗情他山冰雪解此水波瀾生影重驗花容
滴稀知酒清忙人嘗擾擾安得心和平

漫作二首

暑雨灑和氣香風吹日華瞬龍驚汗漫者翥鳳絳雲霞玄圃珠爲樹
天池玉作沙丹霄能幾級何必待乘槎
忝谷純陽入鸞霄瑞彩生岳靈分正氣仙衛借神兵汗俗迎風變

虛懷遇物傾千鈞將一羽輕重在平衡

騰騰

八年流落醉騰騰點檢行藏喜不勝烏帽素餐兼施藥前生多恐
是詩僧

寄隱者

烟郭雲扃路不遙懷賢猶恨太迢迢長松夜落釵千股小港春添
水半腰已約病身拋印綬不嫌門巷似漁樵渭濱晦迹南陽卧若
比吾徒更寂寥

閑居

厭聞趨競喜閑居自種蕪菁亦自鋤麋鹿跳梁憂觸撥鷹鷂搏擊
恐麤疎拙謀却爲多循理所短深慚盡信書刀尺不虧繩墨在莫
疑張翰戀鱸魚

僧影

山色依然僧已亡竹間疎磬隔殘陽
智燈已滅餘空燼猶自光明照十方

洞庭翫月

洞庭湖上清秋月皎湖寬萬頃霜
玉椀深沉潭底白金杯細碎浪頭光
寒驚鳥鵲離巢噪冷射蛟螭換窟藏
更憶瑤臺逢此夜水晶宮殿挹瓊漿

贈隱逸

靜景須教靜者尋清狂何必在山陰
風穿窻紙塵侵硯鳥鬪庭花露滴琴
方咲亂離纔解印猶勝顛蹶未抽簪
築金總得非名士况是無人解築金

南浦

月若半環雲若吐高樓簾捲當南浦
應是石城艇子來兩漿伊啞過花塢
正直連宵酒未醒不宜此際兼微雨
直教筆底有文星亦應難狀分明苦

桃林塲客舍之前有池半畝木槿柳比
闕水遮山因命僕夫運斤梳沐豁然清
朗復視太虛因作五言八韻

插槿作籬籬叢生覆小池為能妨遠目
因遣去閑枝隣叟偷來賞棲禽欲下疑
虛空無障處蒙閉有開時葦鷺憐瀟灑
泥鰯畏日曦稍寬春水面盡見晚山眉
岸穩人偷釣塔明日上基世間多弊事
事事要良醫

中秋寄楊學士

鱗差甲子漸衰遲依舊年年因亂離
八月夜長鄉思切鬢邊添得幾莖絲

寄禪師

他心明與此心同妙用忘言理暗通
氣運陰陽成世界水浮天地
寄虛空劫灰聚散銖鎰黑日御奔馳
蠶粟紅萬物盡遭風鼓動唯
應禪室靜無風

清興

陰沉天氣連翩醉摘索花枝料峭寒
擁鼻遠廊吟看雨不知遺却
竹皮冠

深院

鵝兒唼唳梳黃嘴鳳子輕盈膩粉腰
深院下簾人晝寢紅薔薇架
碧芭蕉

淒淒

深將寵辱齊往往亦淒淒白日知丹
抱青雲有舊谿嗜醎凌魯濟

惡潔助涇泥風雨今如晦堪憐報曉鷄

火蛾

陽光不炤臨積陰生此類非無惜死心
柰有滅明意粧穿粉焰隼
翅撲蘭膏沸為雨一傷嗟自棄非天棄

信筆

春風狂似虎春浪白于鵝柳密藏煙易
松長見日多石岨採芝叟
鄉俗摘茶歌道在無伊鬱天將柰爾何

雷公

閑人倚柱笑雷公又向深山霹怪松
必若有蘇天下意何如驚起
武侯龍

船頭

兩岸綠蕪齊似翦掩映雲山相向晚
船頭獨立望長空日艷波光

逼人眼

喜涼

爐炭燒人百疾生，鳳狂龍躁滅心情。
四山毒瘴乾坤濁，一簟涼風世界清。
楚調忽驚淒玉柱，漢宮應已濕金莖。
豪強頓息蛙唇吻，爽利重新鵲眼睛。
穩想海查朝犯斗，健思胡馬夜翻營。
東南亦是中華分，蒸鬱相凌太不平。

天鑒

何勞諂笑學趨時，務實清修勝用機。
猛虎十年搖尾立，蒼鷹一旦醒心飛。
神依正道終潛衛，天鑒衷腸競不違。
事歷艱難人始重，九層成後喜從微。

江岸閑步

此後壬申年
作在南安縣

一手攜書一杖筇，出門何處覓情通。
立談禪客傳心印，坐睡漁師

著背篷青布旗，誇千日酒白頭浪。
吼半江風淮陰市裏人相見，盡道途窮未必窮。

野塘

侵曉乘涼偶獨來，不因魚躍見萍開。
卷荷忽被微風觸，瀉下清香露一盃。

閨怨

時光潛去暗淒涼，嬾對菱花暈晚粧。
初拆鞦韆人寂寞，後園青草任他長。

余卧疾深村聞一二郎官今稱繼使，聞越笑余迂古潛于異鄉聞之因成此篇。

枕流方採北山薇，驛騎交迎市道兒。
霧豹祗憂無石室，泥鰌唯要

風掃地更無遺

安貧

手風慵展一行書
眼暗休尋九局圖
窓裏日光飛野馬
案頭筠管長蒲盧
謀身拙爲安蛇足
報國危曾捋虎鬚
滿世可能無默識
未知誰擬試齊竽

殘春旅舍

旅舍殘春宿雨晴
恍然心地憶咸京
樹頭蜂抱花鬚落
池面魚吹柳絮行
禪伏詩魔歸靜域
酒衝愁陳出奇兵
兩梁免被塵埃污
拂拭朝簪待眼明

鵲

偏承雨露潤毛衣
黑白分明衆所知
高處營巢親鳳闕
靜時閑語上龍墀
化爲金印新祥瑞
飛向銀河舊路歧
莫怪天涯棲不穩
託

身須是萬年枝

露

鶴非千歲飲猶難
鴛舌偷含豈自安
光濕最宜叢菊亞
蕩搖無柰綠荷乾
名因霈澤隨天賤
分與濃霜保歲寒
五色呈祥須得處
憂雲仙掌有金盤

贈僧

盡說歸山避戰塵
幾人終肯別囂氛
瓶添澗水盛將月
衲掛松枝惹得雲
三接舊承前席遇
一靈今用戒香燠
相逢莫話金鑿事
觸撥傷心不願聞

感舊

省趨弘閣侍貂璫
指座恩深刻寸腸
秦苑已荒空逝水
楚天無恨更斜陽
時昏却笑朱絃直
事過方聞鎖骨香
入室故寮流落盡
路

人惆悵見靈光

即目

動非求進靜非禪
昨舌吞聲過十年
溪漲浪花如積石
雨晴雲葉似連錢
干戈歲久諳戎事
枕簟秋深減夜眠
攻苦慣來無不可
寸心如水但澄鮮

八月六日作四首

日離黃道十年昏
敏手重開造化門
火帝動爐銷劍戟
風師吹雨洗乾坤
左牽犬馬誠難測
右袒簪纓最負恩
丹筆不知誰定罪
莫留遺跡怨神孫

金虎挺災不復論
構成狂獠犯車塵
御衣空惜侍中血
國璽幾危皇后身
圖霸未能知盜道
飾非唯欲害仁人
黃旗紫氣今仍舊
免使老臣攀畫輪

簪裾皆是漢公卿
盡作鋒鋌血腥顯
負舊恩歸亂主
難教新國用輕刑
穴中狡免終須盡
井上嬰兒豈自寧
底事亦疑懲未了
更應書罪在泉扃

坐看苞藏負國恩
無才不得預經綸
袁安墜屣尋憂漢
賈誼濡毫但過秦
威鳳鬼應遮天射
靈犀天與隔埃塵
隄防瓜李能終始
免愧於心負此身

驛步癸酉年在南安縣

暫息征車病眼開
况穿松竹入樓臺
江流燈影向東去
樹遞雨聲從北來
物近劉瓛招垢膩
風經庾亮污塵埃
高情自古多惆悵
賴有南華養不材

訪隱者遇沉醉書其門而歸

曉入江村覓釣翁
釣翁沉醉酒缸空
夜來風起閑花落
狼籍柴門

鳥徑中

疎雨

疎雨從東送疾雷小庭涼氣淨莓苔卷簾燕子穿人去洗硯魚兒觸手來但欲進賢求上賞唯將拯溺作良媒戎衣一掛清天下傳野非無濟世材

南安寓止

此地三年偶寄家枳籬茅廠共桑麻蝶矜翅暖徐窺草蜂倚身輕凝去聲看花天近函關屯瑞氣水侵吳甸浸晴霞豈知卜肆嚴夫子潛指星機認海查

夜閨

輕風摘礫動簾鈎猶自醺酣未卸頭但覺夜深花有露不知人靜月當樓何即燈暗誰能詠韓壽香燠亦任偷敲拆玉釵歌轉咽一

聲聲入兩眉愁

十月七日早起作時氣疾初愈

疾愈身輕覺數通山無嵐瘴海無風陽精欲去陰精落天地苞含紫氣中

有感

堅辭羽葆與吹鏡翻向天涯困繫匏故老未曾忘炙背何人終擬問芭茅融風漸暖將迴鴈滄水猶腥近斬蛟萬里關山如咫尺女牀唯待鳳歸巢

觀鷄關偶作

何曾解報稻梁恩金距花冠氣遏雲白日梟鳴無意問唯將芥羽害同群

蜻蜓

碧玉眼睛雲母翅輕於粉蝶瘦於蜂坐來迎拂波光又豈是殷勤
為蓼叢

即日

書牆暗記移花日洗甕先知醞酒期須信閑人有忙事早來衝雨
覓漁師

寄隣莊道侶

聞說經旬不啓關藥窻誰伴醉開顏夜來雪壓村前竹剩見溪南
幾尺山

初赴期集

輕寒着背雨淒淒九陌無塵未有泥還是平時舊滋味慢垂鞭袖
過街西

惜花

皺白離情高處切膩香愁態靜中深眼隨片片沿流去恨滿枝枝
被雨淋揔得苔遮猶慰意若交泥污更傷心臨軒一盞悲春酒明
日池塘是綠陰

半醉

水向東流竟不回紅顏白髮遞相催壯心暗逐高歌盡往事空因
半醉來雲護鴈霜籠淡月雨連鷺曉落殘梅西樓悵望芳菲節處
處斜陽草似苔

春盡

惜春連日醉昏昏醉後衣裳見酒痕細水浮花歸別澗斷雲含雨
入孤村人閑易有芳時恨地勝難招自古魂慙愧流鶯相厚意清
晨猶為到西園

睡起

睡起墻陰下藥欄瓦松花白閉柴關斷年不出僧嫌癖逐日無機
鶴伴閑塵土莫尋行止處烟波長在夢魂間終撐舴艋稱漁叟
買湖心一崦山

寄友人

傷時惜別心交加措願一向千咨嗟曠野風吹寒食月廣庭烟著
黃昏花長擬醺酣遺世事若爲局促問生涯夫君亦是多情者幾
處將愁殢酒家

見別離者因贈之

征人草草盡戎裝征馬蕭蕭立路傍罇酒闌珊將遠別秋山邈迤
更斜陽白髭兄弟中年後瘴海程途萬里長曾向天涯懷此恨見
君嗚咽更淒涼

傷亂

岸上花根惣倒垂水中花影幾千枝一枝一影寒山裏野水野花
清露時故國幾年猶戰鬪異鄉終日見旌旗交親流落身羸病誰
在誰亡兩不知

南亭

每日在南亭南亭似僧院人語靜先聞鳥啼深不見松瘦石稜稜
山光溪澱澱漸漸蔓墜長茸島花垂小簷竹簷隱士冠卧讀先賢傳
更有興來時取琴彈一遍

太平谷中翫水上花

山頭水從雲外落水面花自山中來一溪紅點我獨惜幾樹蜜房
誰見開應有妖鬼隨暮雨豈無香跡在蒼苔凝眸不覺斜陽盡忘
逐樵人躡石回

雨

坐來簌簌山風急，山雨隨風暗原隰。樹帶繁聲出竹聞，溪將大點穿籬入。餉婦寥翹布領寒，牧童擁腫蓑衣濕。此時高味共誰論，擁鼻吟詩空佇立。

幽獨

幽獨起侵晨，山鶯啼更早。門巷掩蕭條，落花滿芳草。烟愁菟共遠，春與人同老。默默又依依，淒然此懷抱。

江行

浪撼青山江北岸，雲含黑雨日西邊。舟人偶語憂風色，行客無聊罷晝眠。爭似槐花九衢裏，馬蹄安穩慢垂鞭。

漢江行次

村寺雖深已暗知，幡竿殘日迥依依。沙頭有廟青林合，驛步無人白鳥飛。牧笛自由隨草遠，漁歌得意扣舷歸。竹園相接春波暖，痛

憶家鄉舊釣磯

偶題

俟時輕進固相妨，實行丹心仗彼蒼。蕭艾轉肥蘭蕙瘦，可能天亦妬馨香。

湖南絕少含桃，偶有人以新摘者見惠，感事傷懷，因成四韻。

時節雖同氣候殊，不知堪薦寢園無。合充鳳食留三島，誰許鶯偷過五湖。苦笋恐難同象匕，秦中為櫻笋之會乃三月也酪漿無復瑩蟪珠。湖南無牛酪之味金鑿歲歲長宣賜，忍淚看天憶帝都。每歲初進之後先宣賜學士

隰州新驛

盛德已圖形，胡為忽構兵。燎原雖自及，誅亂不無名。擲鼠須防誤，連雞莫憚驚。本期將係虜，末策但嬰城。肘腋人情變，朝廷物論生。

果聞荒谷縊旋覩藁街烹帝怒今方息時危喜暫清始終俱以此
天意甚分明

亂後春日途經野塘

世亂他鄉見落梅野塘晴暖獨徘徊船衝水鳥飛遠住袖拂楊花
去却來季重舊遊多喪逝子山新賦極悲哀眼看朝市成陵谷始
信昆明是劫灰

贈易卜崔江處士袁州

白首窮經通祕義青山養老度危時門傳組綬身能退家學樵漁
跡更竒四海盡聞龜策妙九霄堪嘆鶴書遲壺中日月將何用借
與閑人試一窺

過臨淮故里

交遊昔歲已凋零第宅今來亦變更舊廟荒涼時饗絕諸孫飢凍

一官成五湖竟負他年志百戰空垂異代名榮盛幾何流落久遣
人襟抱薄浮生

贈湖南李思齊處士

兩板船頭濁酒壺七絲琴畔白髭鬚三春日日黃梅雨孤客年年
青草湖燕俠冰霜難狎近楚狂鋒刃觸凡愚知余絕粒窺仙事許
到名山看藥爐

亂後却至近甸有感乙卯年作

狂童容易犯金門比屋齊人作旅嵬夜戶不扃生茂草春渠自溢
浸荒園關中却見屯邊卒塞外翻聞有漢村堪恨無情清渭水渺
茫依舊遶秦原

同年前虞部李郎中自長沙赴行在余以紫石硯贈之賦
詩代書

斧柯新樣勝珠璣堪贊星即染翰時不向東垣脩直疏即須西掖
草妍詞紫光稱近丹青筆聲韻宜裁錦繡詩蓬島侍臣今放逐羨
君迴去逼龍墀

甲子歲夏五月自長沙抵醴陵貴就深僻以便疎慵由道
林之南步步勝絕去綠口分東入南小江山水益秀村籬
之次忽見紫薇花因思玉堂及西掖廳前皆植是花遂賦
詩四韻聊寄知心

職在內庭宮闕下廳前皆種紫薇花眼明忽傍漁家見翫斷方驚
鳳闕賒淺色暈成宮裏錦濃香染着洞中霞此行若遇支機石又
被君平驗海查

和王舍人撫州飲席贈韋司空

樓臺掩映入春寒絲竹錚鏦向夜闌席上弟兄皆杞梓花前賓客

盡鴛鴦孫弘莫惜頻開閣韓信終期別築壇削玉風姿官水土黑
頭公自古來難

避地寒食

避地淹留已自悲况逢寒食欲沾衣濃春孤館人愁坐斜日空園
花亂飛路辱漸憂知已薄時危又與賞心違一名所繫無窮事爭
敢當年便息機

有瞞

晚涼閑步向江亭默默看書旋旋行風轉滯帆狂得勢潮來渚水
寂無聲誰將覆轍詢長策願把焚絲屬老成安石本懷經濟意何
妨一起為蒼生

山驛

參差西北數行鴈寥落東方幾片雲壘石小松張水部暗山寒雨

李將軍秋花粉黛宜無味獨鳥笙篁稱靜聞蕭洒衿靈遺世慮驛樓紅葉自紛紛

早發藍關

關門愁立候鷄鳴搜景馳魂入杳冥雲外日隨千里鴈山根霜共一潭星路盤暫見樵人火棧轉時聞驛使鈴自問辛勤緣底事半年驅馬傍長亭

深村

甘向老一作深村固不材猶勝摧折傍塵埃清宵翫月唯紅葉永日關門但綠苔幽院菊荒同寂寞野橋僧去獨徘徊隔離農叟遙相賀指日應逢膏雨來

重遊曲江

追尋前事立江汀漁者應聞太息聲避客野鷗如有感損花微雪

似無情疎林自覺長堤在春水空連古岸平惆悵引人還到夜鞭鞘風冷柳烟輕

三月

辛夷才謝小桃發踏青過後寒食前四時最好是三月一去不迴唯少年吳國地遙江接海漢陵魂斷草連天新愁舊恨真無柰湏就隣家甕底眠

秋村

稻壟蓼紅溝水清荻園葉白秋日明空坡路細見騎過遠田人靜聞水行柴門狼籍牛羊氣竹塢幽深鷄犬聲絕粒看經香一炷心知無事即長生

殘花

餘霞殘雪幾多在薦香冶態猶無窮黃昏月下惆悵白清明雨後寥

猶紅樹底草齊千片淨
墻頭風急數枝空
西園此日傷心處
一曲高歌水向東

夜船

野雲低迷烟蒼蒼
平波揮目如凝霜
月明船上簾幕捲
露重岸頭花木香
村遠夜深無火燭
江寒坐久換衣裳
誠知不覺天將曙
幾簇青山鴈一行

傷春

三月光景不忍看
五陵春色何摧殘
窮途得志反惆悵
飲席話舊多闌珊
中酒向陽成美睡
惜花衝雨覺傷寒
野棠飛盡蒲根暖
寂寞南溪倚釣竿

歸紫閣下

一笑攜歸紫閣峰
馬蹄閑慢水溶溶
黃昏後見山田火
隴隍時聞

縣郭鍾瘦竹迸生僧坐石
野藤纏殺鶴翹松
釣磯自別經秋雨
長得莓苔更幾重

夜坐

天似空江星似波
時時珠露滴圓荷
平生蹤跡慕真隱
此夕襟懷深自多
格是厭厭饒酒病
終湏的的學漁歌
無名無位堪休去
猶擬朝衣換釣蓑

午寢夢江外兄弟

長夏居閑門不開
遶門青草絕塵埃
空庭日午獨眠覺
旅夢天涯相見迴
鬢向此時應有雪
心從別處即成灰
如何水陸三千里
幾月書郵始一來

曲江夜思

鼓聲將絕月斜痕
園外閑坊半掩門
池裏紅蓮迎白露
苑中青草

伴黃昏林塘間寂偏宜夜烟火稀疎便似村大底世間幽獨景最
關詩思與離魂

過漢口

濁世清名一槩休古今翻覆剝堪愁年年春浪來巫峽日日殘陽
過沔州居雜商徒偏富庶地多詞客自風流聯翩半世騰騰過不
在魚船即酒樓

惜春

願言未偶非高卧多病無悵選勝遊一夜雨聲三月盡萬般人事
五更頭年踰弱冠即為老節過清明却似秋應是西園花已落滿
溪紅片向東流

及第過堂日作

早隨真侶集蓬瀛閭闔門開尚見星龍尾樓臺迎曉日鰲頭宮殿

入青冥暗驚凡骨昇仙籍忽訝麻衣謁相庭百辟斂容開路看片
時輝赫勝圖形

夏課成感懷

別離終日心怱怱五湖烟波歸夢勞淒涼身事夏課畢獲落生涯
秋風高居世無媒多困躓昔賢因此亦號咷誰憐愁苦多衰改未
到潘年有二毛

離家第二日却寄諸兄弟

睡起
褰簾日出時今辰初恨間容輝千行淚激傍人感一點心隨
健步歸却望山南空黯黯迴看僮僕亦依依定知兄弟高樓上遙
指征途羨鳥飛

遊江南水陸院

早於喧雜是深讎猶恐行葢墜俗流高寺懶為攜酒去名山長恨

送人遊關河見月空垂淚風雨看花欲白頭除却祖師心外法浮生何處不堪愁

江南送別

江南行止忽相逢江館棠梨葉正紅一笑共嗟成往事半酣相顧似衰翁關山月皎清風起送別人歸野渡空大底多情應已老不堪岐路數西東

格卑

格卑常恨足牽仍欲學亡情盡不能入意雲山輸畫匠動人風月羨琴僧南朝俊潔推弘景東晉清狂數季鷹惆悵後塵流落盡自拋懷抱醉懵騰

冬日

蕭條古木銜斜日戚瀝晴寒滯早梅愁處雪烟連野起靜時風竹

過墻來故人每憶心先見新酒偷嘗手自開景狀入詩兼入畫言情不盡恨無才

再止廟居

去值秋風來值春前時今日共銷菟頰垣古栢疑山觀高柳鳴鴉似水村菜甲未齊初出葉樹陰方合掩重門幽深凍餒皆推分靜者還應為討論

老將

折槍黃馬倦塵埃掩耳凶徒怕疾雷雪窖酒酣偷號去月明衣冷斫營迴行驅貔虎披金甲立聽笙歌擲玉盃坐久不須輕矍鑠至今雙擘硬弓開

邊上看獵贈元戎

繡簾臨曉覺新霜便遣移厨校獵場燕卒鐵衣圍漢相魯儒戎服

從梁王搜山閃閃旗頭遠出樹斑斑豹尾長
贊獲一連朔漢賀杯環騎舞優倡軍迴野靜
秋天白角怨城遙晚照黃紅袖擁門持燭炬
解勞今夜宴華堂

余自刑部員外郎為時權所擠值盤石出鎮
藩屏朝選賓佐以余充職掌記辭鬱不樂因成
長句寄所知

正叨清級忽從戎况與燕臺事不同開口謾
勞矜道在撫膺唯合哭途窮操心未省趨浮俗
點額尤慙自至公他日陶甄尋墜履滄洲何處
覓漁翁

北齊二首

任道驕奢必敗亡且將繁盛悅嬪嬙幾千奩鏡
成樓柱六十間雲號殿廊後主獵迴初按樂胡
姬酒醒更新粧綺羅堆裏春風畔年少多情一
帝王

神器傳時異至公敗亡安可怨忿忿犯寒獵士
朝頻戮告急軍書夜不通并部義旗遮日暗鄴
城飛焰照天紅周朝將相還無體寧死何須入
鐵籠

寄京城親友二首

苦吟看墜葉寥落共天涯壯歲空為客初寒更
憶家雨墻經月蘚山菊向陽花因味碧雲句傷
哉後會賒相思凡幾日日欲詠離矜直得吟成
病終難狀此心解衣悲緩帶搔首悶遺簪西嶺
斜陽外潛疑是故林

野寺

野寺看紅葉縣城聞擣衣自憐癡病猶共賞心
違高閣正臨夜前山應落暉離情在烟島一作鳥遙入故關飛

吳郡懷古

主暗臣忠枉就刑，遂教強國醉中傾。
人亡建業空城在，花落西江春水平。
萬古壯夫應抱恨，至今詞客盡傷情。
徒勞鐵鑊長千尺，不覺樓船下晉兵。

守愚

深院寥寥竹蔭廊，披衣欹枕過年芳。
守愚不覺世途險，無事始知春日長。
一畝落花圍隙地，半竿濃日界空牆。
今來自責趨時懶，翻恨松軒書滿床。

村居

二月三月雨晴初，舍南舍北唯平蕪。
前懽入望盈千恨，勝景牽心非一途。
日照神堂聞啄木，風含社樹叫提壺。
行看旦夕梨霜發，猶有山寒傷酒壚。

離家

八月初長夜，千山第一程。
款顏唯有夢，怨泣却無聲。
祖席諸賓散，空郊匹馬行。
自憐非達識，局促爲浮名。

秋雨內宴

一帶清風入畫堂，撼真珠箔碎玎璫。
更看檻外霏霏雨，似勸須教醉玉觴。

寒食日沙縣雨中看薔薇

何處遇薔薇，殊鄉冷節時。
雨聲籠錦帳，風勢偃羅幃。
通體全無力，酡顏不自持。
綠疎微露刺，紅密欲藏枝。
愜意馮欄久，貪吟放盞遲。
旁人應見訝，自醉自題詩。

地壚

兩星殘火地壚畔，夢斷背燈重擁衾。
側聽空堂聞靜響，似敲疎磬裊清音。
風燈有影隨籠轉，臘雪無聲逐夜深。
禪客釣翁徒自好，那

知此際湛然心

隰州新驛贈刺史

賢侯新換古長亭先定心機指顧成高義盡招秦逐客曠懷偏接
魯諸生萍蓬到此銷離恨鶯雀飛來帶喜聲却笑昔賢交易極一
開東閣便垂名

草書屏風

何處一屏風分明懷素蹤雖多塵色染猶見墨痕濃恠石奔秋澗
寒藤掛古松若教臨水畔字字恐成龍

永明禪師房

景色方妍媚尋真出近郊寶香爐上熱金磬佛前敲蔓草稜山徑
晴雲拂樹稍支公禪寂處時有鵲來巢

登樓有題

暑氣簷前過蟬聲樹杪交待潮生浦口看雨過山坳才見蘭舟動
仍聞桂楫敲穿雲朱檻好終覩鳳來巢

朝退書懷

鶴帔星冠羽客裝寢樓西畔坐書堂山禽養父知人喚窻竹芟多
漏月光粉壁不題新拙惡小屏唯錄古篇章孜孜莫患勞心力富
國安民理道長

元夜即席

元宵清景亞元正絲雨霏霏向晚傾桂兔韜光雲葉重燭龍銜耀
月輪明烟空但仰如膏潤綺席都忘滴砌聲更待今宵開霽後九
衢車馬未妨行

大慶堂賜宴元璫而有詩呈越王

非為親賢展綺筵恒常寧敢恣遊盤綠槎楊柳綿初軟紅暈櫻桃

粉未乾谷鳥乍啼聲似澁甘露方霽景猶寒笙歌風緊人酣醉却
遶珍叢爛熳看

又和

櫻桃花下會親賢風遠鳥轉露盤蝶下粉墻梅乍拆蟻浮金竿
酒難乾雲和緩奏泉聲咽珠箔低垂水影寒狂簡斐然吟咏足却
邀群彥重吟看

再和

我有嘉賓宴作歡畫簾紋細鳳雙盤影籠沼汀脩篁密聲透笙歌
羯鼓乾散後便依書篋寐渴來潛想玉壺寒櫻桃零落紅桃媚更
俟旬餘共醉看

重和

冷宴殷勤展小園舞鞦柔軟綵虬盤窠花盡日疑頭重病酒經宵

覺口乾嘉樹倚樓青瑣暗晚雲藏雨碧山寒文章天子文章別八
米盧即未可看

御製春遊長句

天意分明道已光春遊嘉景勝仙鄉玉爐烟直風初靜銀漢雲銷
日正長柳帶似眉全展綠杏苞如臉半開香黃鶯歷歷啼紅樹紫
鷺關關語畫梁低檻晚晴籠翡翠小池波暖浴鴛鴦馬嘶廣陌貪
新草人醉花隄怕夕陽比屋管絃呈妙曲連營羅綺鬪時粧全吳
霸越千年後獨此昇平顯萬方

余作探使以繚綾手帛子寄賀因而有詩

解寄繚綾小字封探花筵上映春叢黛眉印在微微綠檀口消來
薄薄紅綆處直應心共緊研時兼恐汗先融帝臺春盡還東去却
繫裙腰伴雪曾

別錦兒

及第後出京別錦兒與蜀奴

一尺紅綃一首詩贈君相別兩相思
畫眉今日空留語解佩他年更可期
臨去莫論交頸意清歌休着斷腸詞
出門何事休惆悵曾夢良人折桂枝

閑步

莊南縱步遊荒野獨鳥寒烟輕惹惹
傍山疎雨濕秋花僻路淺泉浮敗果
樵人相聚指驚麕牧童四散收嘶馬
一壺傾盡未能歸黃昏更望諸峰火

軋寧三年丙辰在奉天重圍作

仗劍夜巡城衣襟滿霜霰賊火遍郊坰
飛焰侵星漢積雪似空江長林如斷岸
獨凭女墻頭思家起長嘆

雨中

青桐承雨聲聲聲何重疊疎滴下高枝
次打欹低葉鳥濕更梳翎人愁方拄頰
獨自上西樓風襟寒帖帖

與僧

江海扁舟客雲山一衲僧相逢兩無語
若箇是南能

晚岸

揭起青艸上岸頭野花和雨冷脩脩
春江一夜無波浪按得行人分外愁

仙山

一炷心香洞府開偃松皴溢半莓苔
水清無底山如削始有仙人騎鶴來

過茂陵

不悲霜露但傷春孝理何因感兆民
景帝龍髯消息斷異香空見

李夫人

曲江秋日

斜煙縷縷鷺鷥棲藕葉枯香折野泥有箇高僧入似一作圖畫把經吟立水塘西

流年

三月傷心仍晦日一春多病更陰天雄豪亦有流年恨況是離魂易黯然

商山道中

雲橫峭壁水平鋪渡口人家日欲晡却憶往年看粉本始知名畫有工夫

詠燈

高在酒樓明錦幕遠隨漁艇泊煙江古來幽怨皆銷骨莫向長門

背雨窻

招隱

立意忘機機已生可能朝市汗高情時人未會嚴陵志不釣鱸魚只釣名

雨村

鴈行斜拂雨村樓簾下三重幕一鈎倚柱不知身半濕黃昏獨自未回頭

使風

茶煙睡覺心無事一卷黃庭在手中欹枕卷簾江萬里舟人不語滿帆風

阻風

平生情趣羨漁師此日煙江愜所思肥鰕香杭小樓牒斷腸滋味

阻風時

并州

戍旗青草接榆關
雨裏并州四月寒
誰會憑闌潛忍淚
不勝天際似江干

夏夜

猛風飄電黑雲生
霎霎高林簇雨聲
夜久雨休風又定
斷雲流月却斜明

闌干

掃花雖恨夜來雨
把酒却憐晴後寒
吳質謾言愁得病
當時猶不凭闌干

以庭前海棠梨花一枝寄李十九負外

二月春風澹蕩時
旅人虛對海棠梨
不如寄與星郎去
想得朝回

正畫眉

驛樓

流雲溶溶水悠悠
故鄉千里空回頭
三更獨凭闌干月
淚滿關山孤驛樓

頻訪盧秀才

盧時在選末

藥訣棊經思致論
柳腰蓮臉本忘情
頻頻強入風流坐
酒肆應疑阮步兵

春恨

殘夢依依酒力餘
城頭鴨鴉一作畫角伴啼鳥
平明乍卷西樓幕
院靜初聞放轆轤

答友人見寄酒

雖可忘憂矣
其如作病何
淋漓滿襟袖
更發楚長歌

野釣

細雨桃花水輕鷗逆浪飛風頭阻歸棹坐睡倚蓑衣

曲江晚思

雲物陰寂歷竹木寒青蒼水冷鷺鷥立煙月愁昏黃

贈友人

莫嫌談笑與經過却恐閑多病亦多若遣心中無一事不知爭奈
日長何

半睡

眉山暗淡向殘燈一半雲鬟墜枕稜四體着人嬌欲泣自家揉損
研繚綾

已涼

愁多却訝天涼早思倦翻嫌夜漏遲何處山川孤館裏向燈彎盡

一雙眉

翰林集終

香奩集序

余溺章句信有年矣誠知非士大夫所為不能忘情天所賦也自
庚辰辛巳之際迄己丑庚子之間所著歌詩不啻千首其間以綺
麗得意者亦數百篇往往在士大夫口或樂工配入聲律粉牆椒
壁斜行小字竊味者不可勝記大盜入關細袂都墜遷徙不常厥
居求生草莽之中豈復以吟咏一作諷為意或天涯逢舊識或避地
遇故人醉味之暇時及拙唱自爾鳩輯復得百篇不忍棄捐隨即
編錄遐思宮體未降稱庾信攻文却諂玉臺何必使徐陵作序粗
得捧心之態幸無折齒之慚柳巷青樓未嘗糠粃金閨繡戶始預
風流咀五色之靈芝香生九竅咽三危之瑞露美一作春動七情若
有責其不經亦望以功掩過玉山樵人韓致堯序

香奩集

翰林學士承旨行尚書戶部侍郎知制誥韓偓字致堯

幽窓

刺繡非無暇幽窓自日木作甚歡手香江橘嫩齒軟越梅酸密約臨
行怯私書欲報難無憑諳誰語猶得暫心寬

江樓二首

夢啼嗚咽覺無語杳杳微微望煙浦樓空客散鷺交飛江靜帆飛
日亭午

鯉魚苦笋香味新楊花酒旗三月春風花百計牽人老爭奈多情
是病身

春盡日

樹頭春初本作日照西簷樹底鶯花夜雨沾外院池亭聞動鎖後堂

闌檻見垂簾柳腰入戶風斜倚榆莢堆牆水半淹把酒送春惆悵
在年年三月病厭厭

咏燈

高在酒樓明錦幕遠隨漁艇泊煙江古來幽怨皆銷骨休向長門
背雨窓

別緒

別緒靜惜惜牽愁暗入心已迴花渚棹悔聽酒壚琴菊露淒羅幙
梨霜惻錦衾此生終獨宿到死誓相尋月好知何計歌闌歎本作
不禁山巔更高處憶上上頭吟

見花

褰裳擁鼻正吟詩日午牆頭獨見時血染蜀羅山躑躅肉紅宮錦
海棠梨因狂得病真閑事欲咏無才是所悲看却東本作風歸去

也爭教判得最繁枝

馬上見

驕馬錦連錢乘騎是謫仙和裙穿玉鐙隔袖把金鞭去帶慵騰醉
歸成本作困頓眠自憐輸廐吏餘暖在香韉

遶廊

濃煙隔簾香漏泄斜燈映竹光參差遶廊倚柱堪惆悵細雨輕寒
花落時

展子

六寸膚圓光緻緻白羅繡舞紅托本作裏南朝天子欠風流却重
金蓮輕綠齒

青春

眼意心期卒未休暗中終擬約秦樓光陰負我難相偶情緒牽人

不自由遙夜定嫌香蔽膝悶心本作時應弄玉搔頭櫻桃花謝梨花
發腸斷青春兩處愁

聞雨

香侵蔽膝夜寒輕聞雨傷春夢不成羅帳四垂花本作紅燭背玉釵
敲着枕函聲

懶起

一作聞意
百舌喚朝眠春心動幾般枕霞紅暗淡淚粉玉闌珊籠繡香煙歇
屏山燭焰殘暖嫌羅襪窄瘦覺錦衣寬昨夜三更雨臨朝本作明又今
朝一陣寒海棠花在否側卧捲簾看

已涼

碧欄干外繡簾垂猩血屏風畫折本作柄枝八尺龍鬚方錦褥已涼
天氣未寒時

欲去

紛紛隔窻語重約踏青期總本作縱得相逢處無非本作無去時
恨深書不盡寵極意多疑惆悵桃源路惟教夢寐知

橫塘

秋寒灑背入簾霜鳳脰燈青照洞房蜀紙麝煤添筆興本作媚越甌
犀液發茶香風飄亂點更籌轉拍送繁絃曲破長散客出門斜月
在兩眉愁思向本作問橫塘

五更

往年曾約鬱金床半夜潛身入洞房懷裏不知金鈿落暗中唯覺
繡鞋香此時欲別魂俱斷自後相逢眼更狂光景旋消惆悵在一
生贏得是淒涼

聯綴體

院宇秋明日日長社前一鴈到本作別遼陽隴頭針線年年事不喜
寒砧搗斷腸

寒食夜

清江碧草兩悠悠各自風流一種愁正是落花寒食夜夜深無伴
倚南本作空樓

六言三首

春樓處子傾城金陵狎客多情朝雲暮雨會合羅襪繡被逢迎華
山梧桐相覆蠻江荳蔻連生幽歡不盡告別秋河悵望平明
一燈前雨落夜三月盡草青時半寒半煖正好花開花謝相思惆
悵空教夢見懊惱多成酒悲紅袖不乾誰會揉損聯娟淡眉
此間青草更遠不唯空遶汀洲那裏朝日才出還應先照西樓憶
淚因成恨淚夢遊嘗續心游桃源洞口來否絳節霓旌久留

哭花

曾愁香結破顏遲今見妖紅委地時若是有情爭不哭夜來風雨
葬西施

重游曲江

鞭稍亂拂暗傷情踪跡難尋露草青猶是玉輪曾碾處一泓本作溪
秋水本作春雨漲浮萍

遙見

悲歌淚濕淡胭脂閑立風吹金縷衣白玉堂東遙見後本作處令人
陡薄本作評泊畫楊妃

新秋

一夜清風動扇愁背時容色入新秋桃花臉裏汪汪淚忍到更深
枕上流

宮詞

繡裙斜立正銷魂侍女移燈掩殿門
鶯子不來本作花著雨春風應自本作怨黃昏

踏青

踏青會散欲歸時金車久立頻催上
收裙整髻故遲留兩點深心各惆悵

夜深本題寒食夜

側側輕寒剪剪風杏花本作梅飄雪小桃本作杏花紅夜深斜搭秋千索
樓閣朦朧煙雨中

夏日

庭樹新陰葉未成玉階人靜一蟬本作下簾聲相風不動烏龍睡時有
嬌鶯本作幽禽自喚名

新上頭

學梳鬆本作蟬鬢試新裙消息佳期在此春為要本作愛好多心轉惑
遍將且稱問傍人

中庭

夜短睡遲慵早起日高方始出紗窻中庭自摘青梅子先向釵頭
帶一雙

咏浴

再整魚犀攏翠簪解衣先覺冷森森教移蘭燭本作爐頻羞影自試
香湯更怕深初似洗花難抑按終憂本作愁沃雪不勝任豈知侍女
簾帷外賸取君王幾餅金

席上有贈

矜嚴標格絕嫌猜嗔怒難逢笑靨開小鴈斜侵眉柳去媚霞橫接

眼波來鬢垂香頸雲度藕粉着蘭眉雪壓梅莫道風流無宋玉好
將心力事粧臺

早歸

去是黃昏後歸當臙臙時披衣吟宿醉風露動相思

玉合雜言

羅囊繡兩鳳凰玉合雕雙灘鷁中有蘭膏漬紅豆每迴拈着長相
憶長一本無相憶經幾一本無春人悵望香氤氳開緘不見新書跡帶
粉猶殘舊淚本作指痕

金陵雜言

風雨蕭蕭石頭城下木蘭梳煙月迢迢金陵渡口去來本作潮自來去
古風流皆暗銷才魄本作鬼妖魂誰與招錦牋麗句今已矣羅襪金
蓮何寂寥

懶卸頭

侍女動粧奩故故驚人睡那知本未眠背面偷垂淚懶卸鳳凰釵
羞入鴛鴦被時復見殘燈和煙墜金穗

倚醉

倚醉無端尋舊約本作却憐本作憐惆悵轉難勝靜中樓閣深本作春
春雨遠處簾櫳半夜本作夜燈抱柱立時風細細遶廊行處思騰騰
分明窻下聞裁剪敲徧闌干喚不應

咏手

腕本作白膚紅玉笋芽調琴抽綫露尖斜背人細撚垂臙鬢向鏡
輕勻襯臉霞悵望昔逢塞繡幔本作帳依稀曾見托金香本作車後園
笑向同行道摘得薜蘿蕪又摘花本作一

荷花

紉本一作扇相歌綠香囊獨立紅浸淫因重露狂暴是秋風逸調無人唱秋塘每夜空何由見周昉移入畫屏中

鬆髻

髻根鬆慢玉釵垂指點花枝本一作庭花又過時坐久暗本一作暗坐久生惆悵事背本一作映人勻却淚臙脂

半夜

板閣數罇後至今猶酒悲一宵相見事半夜獨眠時明朝窓下照應有鬢本一作髮如絲

寄遠在岐日作

眉如半月雲如髮梧桐葉落敲井闌孤燈亭亭公署寒微霜淒淒客衣單相美人芳雲一端夢魂悠悠關山難空房展轉懷悲酸銅壺漏盡聞本一作開金鸞

信筆

睡髻休頻攏春眉忍更長整釵拖子重泛酒菊花香繡疊昏金色羅揉損研光有時閑弄筆亦畫兩鴛鴦

寄恨

秦釵枉斷長條玉蜀絙虛留小字紅死恨物情難本一作無會處蓮花不肯嫁東風

擁鼻

擁鼻悲吟一向愁寒更轉盡未回頭綠屏無睡秋分簟紅葉傷時月午樓却要因循添逸興若為趨競愴離憂慙慙憑仗官渠水為到西溪動釣舟

蹤跡

東烏西兔似車輪劫火桑田不復論唯有風光與蹤跡思量長是

是本作
是夢暗銷魂

病憶

信知尤物必牽情一顧難酬覺命輕
曾把禪機銷此病破除才盡
又重生

妬媒

洞房深閉不曾開橫卧烏龍作妬媒
好鳥豈勞兼比翼異花何必
更重臺難留旋逐驚風去暫見如
隨急電來多為過防成後悔偶
因翻語得深猜已嫌刻蠟春宵短
最恨鳴珂曉鼓催應笑楚襄仙
分薄日中長是獨徘徊

晝寢

碧梧陰靜隔簾櫳扇拂金鵝玉簾烘
撲粉更添香體滑解衣微見
下裳紅煩襟乍觸冰壺冷倦枕徐
欹寶髻鬆何必苦勞魂與夢王

昌只在此牆東

意緒

絕代佳人何寂寞梨花未發梅花落
東風吹雨入西園銀線千條
度虛閣臉粉難勻蜀酒濃本作紅
口脂易印吳綾薄嬌饒意態不勝
本作能羞願倚即肩永相著

惆悵

身情長在暗相隨生魂一作魄隨君君豈知
被頭不煖空沾淚釵股
欲分猶半疑朗月清風難愜意詞人
絕色多本作敢傷離何如飲酒
連千本作年醉席地幙天無所知

忍笑

宮樣衣裳淺畫眉晚來梳洗更相宜
水精鸚鵡釵頭顫舉本作釵
袂
佯羞忍笑時

不見

動靜防閑又怕疑
佯佯脉脉是深機
此身願作君家鷺
秋社歸時也不歸

咏柳

裊雨拖風不自持
全身無力向人垂
玉纖折得遥相贈
便似觀音手裡時

半睡

眉山暗淡向殘燈
一半雲鬟墜枕稜
四體著人嬌欲泣
自家揉碎研繚綾

密意

呵花貼鬢粘寒髮
凝酥光透猩猩血
經過洛水幾多人
唯有陳王見羅襪

偶見

秋千打困解羅裙
指點醞醕索一罇
見客入來和笑走
手搓梅子映中門

寒食夜有本作見寄

風流大抵是悵悵
此際相思必斷腸
雲薄月昏寒食夜
隔簾微雨杏花香

效崔輔國體四首

淡月照中夜
海棠花自落
獨立俯閑堦
風動秋千索
雨後碧苔院
霜來紅葉樓
閑堦上斜日
鸚鵡伴人愁

酒力滋睡眸
鹵莽聞街鼓
欲明天本作花
更寒東風打窻雨

羅幙生春寒
繡窻愁未眠
南湖一夜雨本作南湖
雨應濕採蓮船

後魏時相州人作李波小妹歌疑其未備因補之

李波小少本作妹字雍容窄衣短袖鬢錦紅未解有情夢梁殿本作苑
何曾自媚妬吳宮難本作誰教牽引知酒味因令悵望成春慵海棠
花下秋千畔背人撩髻道匆匆

春晝

春融艷艷大醉陶陶漏添遲日箭減良宵藤垂戟戶柳拂浮橋簾
幙鶯子池塘百勞膚清臂瘦衫薄香消楚殿衣窄南朝髻高河陽
縣遠清波池本作地遙絲纏露泣各自無慘

三憶

憶眠時春夢困騰騰展轉不能起玉釵垂枕稜
憶行時背手揆金雀欽笑慢迴頭步轉闌干角
憶去時向月遲遲行強語戲同伴圖郎聞笑聲
思錄舊詩於卷上凄然有感因成一章

緝綴小詩鈔卷裏尋思閑事到心頭自吟自淚無人會腸斷蓬山
第一流

春閨二首

願結交加夢因傾漱艷尊醒來情緒惡簾外正黃昏
氤氳帳裏香薄薄睡時粧長吁解羅帶怯見上空牀

代小王家為蕃騎所虜後寄故集賢裴公相國

動天金鼓逼本作發神州惜別無心學墜樓不得迴眸辭傳粉本作謝傳
便湏含淚對本作到殘秋折釵伴妾埋青塚半鏡隨即葬杜郵唯有
此本作他宵魂夢裏慙慙相覓鳳城頭

薦福寺講筵偶見又別

見時濃日午別處暮鐘殘景色疑春盡襟懷似酒闌兩情含春戀
一餉致辛酸夜靜長廊下難尋履齒看

復偶見三絕

霧為襟袖玉為冠半似羞人半忍寒別易會難長自歎轉身應把淚珠彈

桃花臉薄難藏淚柳葉眉長易覺愁密跡未成當面笑幾回擡眼又低頭

半身映竹輕聞語一手揭簾微轉頭此意別人應未覺不勝情緒兩風流

厭花落

厭花落人寂寞果樹成陰燕翅齊西園永日閑高閣後堂夾簾愁不捲低頭悶把衣襟撚忽然事到心中來四肢嬌入茸茸眼也曾同在華堂宴佯佯攏髻偷回面半醉狂心忍不禁分明一任傍人見書中說却平生事猶疑未滿情郎意錦囊封了又重開夜深窓

下燒紅紙紅紙千張言不盡至誠無語傳心印但得鴛衾枕臂眠也任時光都一瞬

春悶偶成十二韻

阡陌懸雲壤闌畦隔艾芝路遙行雨懶河澗過橋遲鴈足應難達狐踪浪得疑謝鯤吟未廢張碩夢堪思有意通情處無言攏鬢時格高歸歛笑歌怨在顰眉醉後金蟬重懽餘玉燕歌素姿凌白柰圓頰銷紅梨粉字題花筆香牋詠柳詩繡窻攜手約芳草踏青期別淚開泉脉春愁眉藕絲相思不相信幽恨更誰知

想得本題春春

兩重門裏玉堂前寒食花枝月午天想得那人垂手立嬌羞不肯上秋千

偶見背面是夕兼夢

酥凝背胛玉搓肩輕薄紅綃覆白蓮此夜分明來入夢當時惆悵
不成眠眼波向我無端艷心火因君特地然莫道人生難際會秦
樓鸞鳳有神仙

五更

秋雨五更頭桐竹鳴騷屑却似殘春間斷送花時節空樓鴈一聲
遠屏燈半滅繡被擁嬌寒眉山正愁絕

南浦

月若半環雲若吐本作高樓簾捲當南浦應是石城艇子來兩漿
伊啞過花塢正值連宵酒未醒不宜此際兼微雨直教筆底有文
星亦應難狀分明苦

深院

辛未年在南安縣作

鵝兒啞啞梳黃嘴鳳子輕盈膩粉腰深院下簾人晝寢紅薔薇架

本作碧芭蕉

閨情

癸酉年在南安縣作

輕風滴礫動簾鉤宿酒猶酣懶卸頭但覺夜深花有露不知人靜
本作月當樓何即燭暗誰能詠韓壽香燠亦任偷敲折玉釵歌轉
咽一聲聲本作入兩眉愁

半睡

擡鏡仍嫌重更衣又怕寒宵分未歸帳半睡待即看

寒食重游李氏園亭有懷

往年同在鸞本作橋上見倚朱欄詠柳綿今日獨來香徑裏更無
人跡有苔錢傷心濶別三千里屈指思量四五年料得他鄉遇佳
節亦應懷抱暗凄然

兩處

樓上淡山橫樓前溝水清憐山又憐水兩處總牽情

有憶

晝漏迢迢夜漏遲移本作傾城消息杳無期愁腸泥酒人千里淚眼

倚樓天四垂自笑計狂多獨語誰憐夢好轉相思何時斗帳濃香

裏分付東本作春風與玉兒

閨恨壬申年在南安縣作

時光潛去暗淒涼懶對菱花暈曉粧初拆秋千人寂寞後園青草
任他長

裏娜丁卯年作

裏娜腰肢淡薄粧六朝宮樣窄衣裳著詞斃見本作櫻桃破飛盞

遙聞豈蔻香春惱情懷身覺瘦酒添顏色粉生光此時本作不敢

分明道風月應知暗斷腸

多情庚午年在桃林場作

天遣多情不自持多情兼與病相宜蜂偷野蜜初嘗處鶯啄含桃

欲咽時酒蕩襟懷微駭駭春牽情緒更本作融怡水香剩貯金盆

裏瓊樹長須浸一枝

偶見

千金莫惜旱蓮生一笑從教下蔡傾仙樹有花難問種御香聞氣

不知名愁來自覺歌喉咽瘦去誰憐舞掌輕小疊紅牋書恨字與

奴方便送卿卿

箇儂

甚感慙慙意其如阻礙何隔簾窺綠齒映柱送橫波老大逢知少

襟懷暗喜多因傾一樽酒聊以慰蹉跎

荔枝三首福州作

遐方不許貢珍竒，密詔惟教進荔枝。漢武碧桃爭比得，枉令方朔號偷兒。

封開玉籠雞冠溢，葉襯金盤鶴頂鮮。想得佳人微啟齒，翠釵先取一雙懸。

巧裁絳片裹神漿，唯密天然有異香。應是仙人金掌露，結成冰入茜羅囊。

余辛酉年戲作無題十四韻，故奉嘗王公相國首於繼和。故內翰吳侍郎融令狐舍人渙閣下劉舍人崇譽吏部王員外渙相次屬和，余因作第二首，却寄諸公。二內翰及小天亦再和，余復作第三首。二內翰亦三和王公一首，劉紫微一首，王小天二首，二學士各三首。余又倒押前韻成第四首，二學士笑謂余曰：「謹監降旗，何朱研若是也。」遂絕筆。

是歲十月末，余在內直。一旦兵起，隨駕西狩，文橐咸棄，更無子遺。丙寅年九月，在福建寓止，有前東都度支院蘇暉端公挈余淪落，詩橐見授，中得無題一首，因追味舊作，缺亡甚多。唯第二首、第四首、第五首可記，其三首才得數句而已。今亦依次編之，以俟他時偶獲全本。餘五人所和不復憶省矣。

無題第一

小檻移燈地，空房鎖隙塵。額波風盡日，簾押月侵晨。香辣更衣後，釵梁攏鬢新。吉音聞詭計，醉語近天真。粧好方長歎，歡餘却淺頰。繡屏金作屋，絲幙玉為輪。致意通綿本作絲竹，精誠託錦鱗。歌凝眉際恨，酒發臉邊春。溪紉殊傾越，樓簫豈羨秦。柳虛攬沴氣，梅實引芳津。樂府降清唱，宮厨減食珍。防閑襟併歛，忍妬淚休勻。宿飲愁

紫夢春寒瘦着人手持雙苴蔻的的為東隣

第二

碧瓦偏光日紅簾不受塵柳昏連綠野花爛熳清晨書密偷看數
情通破體新明言終未實暗祝始應真枉道嫌偷藥推誠鄙效嚙
合成雲五色彩本作宜作在日中輪香本爐作獸金塗爪釵魚玉縷
鱗渺彌三島浪平遠一樓春隨髻還名壽修娥本姓秦棹尋聞犬
洞槎入飲牛津麟脯隨重釀霜鱗本華作間八珍錦囊霞彩爛羅襪
研光勻羞溢伴牽伴嬌饒欲泥人偷兒難捉搦慎莫共比鄰

第三

紫蠟融花蒂紅綿試本拭作鏡塵夢狂翻惜夜粧懶厭凌晨苗袖啼
本香作痕數香牋墨色新不從此記

第四倒押前韻

查下同歸本路同烏衣枉作隣珮聲猶隔箔香氣已迎人酒勸盃
須滿書羞字不勻歌憐黃竹怨味實碧桃珍剪燭非良策當關是
要津東阿初渡維楊憚舊家秦粉化橫波溢衫輕曉霧春鴉黃雙
鳳翅麝月半魚鱗別袂翻如浪回腸轉似輪後期才注脚前事
又含嚙縱有才難詠寧無畫逼真天香聞更有瓊樹見長新鬪草
常更僕迷闌悞達晨嗅花判不得檀泣本注作惹風本芳作塵

曲子浣溪沙二首

攏髻新妝玉步搖背燈初解繡裙腰枕寒衾暖本冷作異香焦深
院不關春寂寂落花和雨夜迢迢恨情殘醉却無聊
宿醉離愁慢髻鬟六銖衣薄惹輕寒慵紅悶翠揜青鸞羅襪况
兼金齒苔雪肌仍是玉琅玕骨香腰細更沉檀

黃蜀葵賦

色配中央心傾太陽布葉近臨本作於玉砌移根遠自於銅梁萼

綠華未見楊羲冠簪駸駸杜蘭香喜逢張碩巾帔飄揚銀漢之星

璣本作欲曙金臺之漏箭初長動人妖艷馥鼻生香千里鴟雛濫得

名於太液三秋菊蕊虛長價於紫桑送日微困迎風欲翔周昉神

疲吮筆而深慚思拙江淹色退本作擘戔而所恨才荒蝶翅堪憎

蜂鬚可妬幾多之金粉遭竊一點之檀心未許一作何須逼視漢

人主本作之鴛鴦多羞不待含情一作晉天子之羊車自駐激電

寒暄跳丸烏兔得不淹留深勞顧慕懊恨本作張京兆唯將挂炷

本作添眉悵望齊東昏却把蓮花襯步騷人易老絕色多愁曷忍

在綺窻側畔唯當居繡戶前頭目斷猶駐魂銷未收映葉而似擊

歌扇儂闌而若墮穉樓感荀倩本作之慙懃誓無緘著怨謝鯤之

強暴未近風流清且鶯啼黃昏客散鶴頸方長引猿腸方屢斷攀

條立處林鳥應笑於後栖歌枕看時梁燕或聞於長嘆已而已而

止醉眠於東籬藂畔本作只有醉於藂畔本作止有醉眠於藂畔

紅芭蕉賦

瞥見紅蕉魂隨魄消陰火與朱華共映神霞將日脚相燒謝家之

麗句難窮多烘繭紙維浦之下裳頻換刺染鮫綃鶴頂儘本作伴

雞冠詎擬蘭浥本作露以殊忝楓經霜而莫比趙飛燕一作德裙間

一點願同白玉唾壺鄧夫人額上微殷却賴水精如意森森雙

脉脉亭亭舊玉之瑳來若指彤雲之剪出如屏鶯舌無端妬含桃

而未咽猩唇易染鵬浮蟻以難醒在物無雙於情可溺橫波接紅

臉之艷含貝發朱唇之色僧虔密炬爍桂棟以難藏潘岳金缸蔽

繡幃而不隔大凡人之麗者必動物物之尤者必移人不言而信

其速如神所以月彩下嬪珠之水梅酸生鶴唳之津寧關巧運自

香奩集
終
合天真有影先知無聲以認體踈而意密跡遠而情近天穿地朽
幾人語絕色難逢萬古千秋唯我睽紅英不盡

香奩集終



